

邃

懷

堂

全

集

邃懷堂詩集前編卷三

寶山 袁翼 穀廉

春起

小園春起早蝴蝶上階趺冒柳綠煙嫩蛀桃紅雨癯  
名場仍輶轡鄉夢亦模糊檢點華年過數莖白髮麤

潭上夜歸

暝色四圍合山容無醜妍大星光替月遠水氣攏烟  
市近知魚賤秋歸在雁先江南回首望小草意堪憐

花名望

江南

題觀察李海帆先生海上釣鼈圖卽呈徐辛庵

編修師

玉清一笑長庚謫來作人間釣鼈客滄溟濯足萬里  
流手把芙蓉揖龍伯金鑾側帽帶宿醒壯懷汗漫騎  
長鯨絲綸在握寓微意氣吞雲夢波爲平香釣暗觸  
珊瑚網日光利碎玻瓈聲畫師尺幅收壺嶠鑿空張  
騫應未到蟠桃如斗青雀銜鋸齒嶙峋王母嘯五嶽  
真形筆底皴十洲乳水杯中眺英雄事業卽神仙磻  
溪釣罷嚴灘釣絳帷郤傍青雲開衣鉢真傳曠世才

選樓北海增騷注學士東宮序玉臺索詩遠寄西清  
院十指披圖薇露盥丹鯉之餌白玉竿烟痕溼罨湘  
紋絹吾家茅屋近蒼濤斗北龍門百仞高抱琴欲趁  
成連棹親看扶桑策六鼇

王秋坪先生招同伊少沂別駕夏秋薌沈夢塘  
兩孝廉飲王氏園中少沂出其細君素三夫  
人紅蘭畫扇索題走成一律卽送少沂回汀

州

丹鳳城南手欲分羈心已繞翠華雲連波才漫誇蘇

蕙素三夫人工書畫

大令書還學右軍

少沂爲墨卿先生哲嗣

袖裏花

牋蠶字細篋中紈扇麝塵熏憑君寄餽珊瑚架乞寫靈飛玉女文

揚州居士菴寓齋

攬鏡吳霜點鬢毛茱萸灣口記持螯張紜牋啓稱雄  
伯何遜頭銜領法曹陽羨有田皆種秫廣陵無夢不  
驚濤綠陰春老瓊花苑辜負當年杜牧豪

竹西亭外轉黃鶯春夢催回昔昔驚十里珠簾香霧不  
隔二分璧月酒船迎板橋舊雨同心話鞠部班頭太

瘦生宋玉不招招鮑照詩魂爲我賦蕪城

楓橋夜泊

分  
明  
記  
得  
楓  
橋  
上  
十  
一  
年  
前  
聽  
晚  
鐘  
熱  
客  
幾  
時  
拋  
襪  
纖  
空  
門  
無  
地  
養  
疎  
慵  
烏  
啼  
月  
落  
句  
仍  
在  
拾  
得  
寒  
山  
僧  
不  
逢  
隔  
岸  
又  
魚  
星  
火  
閃  
溼  
雲  
如  
霧  
寺  
門  
封

虞山雙劍石

不  
見  
一  
僧  
立  
惟  
餘  
萬  
木  
圍  
珠  
光  
同  
穴  
孕  
劍  
氣  
夾  
城  
飛  
雲  
合  
連  
黃  
海  
峰  
回  
抱  
翠  
微  
當  
年  
魚  
腹  
恨  
默  
默  
散  
斜  
暉  
舟  
中  
雪  
夜  
東  
劉  
孟  
眉  
印  
古  
琴

一美住烟蘿仙心琢瑤玉一美抱遺編古貌帶芬馥  
安得惠然來山眉共餐綠獨坐瞰江亭江妃怪我俗  
題詩寄彼美昨夜雪沒屋

題 國初諸老送孫松坪先生出使朝鮮詩卷  
徵書尺一下江灝星使征輶獨角鱗海外新藩箕子  
國卷中遺老葛天民鳴江地暖通元菟猩圖 恩深  
夢 紫宸秋左堂前喬木在夜光恐是墨精神

題鶯闌春夢圖

慧業華鬢第一人秋波禪裏證蘭因年來眉樣修成

史一炷旃檀禮黛神

鸚鵡金籠史鳳家粉垣風細落桃花紅絲繡得琴囊  
好數點香痕唾碧紗

內家粧束紫綃衣新自霓裳隊裏歸寄語教坊諸女  
伴好從錐水拜甄妃

玉屑搏肌尙未如真真嬌影破瓜初春心圍住葳蕤  
鎖斜注星眸看道書

研硃鈎出貌芙蓉身到蓬壺十二重莫放黃鸝驚妾  
睡清明烟雨夢吳淞

頻年秋思落江湖  
划棹青溪訪小姑  
羊祜何如銅雀妓  
淚花空灑美人圖

秦淮水榭卽事示鮑子山徐載門朱小園

漫愁紫玉化成烟  
鳳繁鸞簇各一天  
窓外南朝舊時月  
杳娘管領十三年

衫子輕盈雪藕絲  
傅生才調卞生姿  
花瓷收得薔薇露  
細碾丹砂注楚詞

有寄

謝郎作客路迢迢  
鵠蟀光陰付藥瓢  
旅況不堪多寄

語半牀殘月隔樓簫

念家山與定風波日日聞歌喚奈何貪作湖州箋記  
好綠陰如夢負心多

聞雁寄秋巖弟

倦翎猶帶蠡湖煙海國蘆花作絮天對酒正當風雨  
急聯牀苦憶弟兄眼漁翁半夜過橋檣寡女一聲裂  
指絃我亦勞生難息影稻梁何處是龕田

過彭王廟

卽梁王彭越

楚漢相持際遊兵第一功羞爲兒女賣已失大王雄

赤帝神符熾青衣狹路窮馬塘祠宇在遺恨夕陽中

春曉

金篦梳罷髮絲絲啼鳥牆頭日上時一炷海沉簾不捲細鈔杜牧嘆花詩

春夜

曉風涼透障蟬紗蛤粉牆圍水一涯記得徘徊尋夢處小門殘月掩梨花

春睡

雪鶲初老架空懸中酒心情料峭天挨到海棠開過

了閉門十日學蠶眠

秋日同胡仙洲先生高子廉子琴印古琴湘霞  
劉孟眉陳笛秋諸子過北庵訪鷲峰上人不  
值孟眉出家釀留飲庵中

天風吹我參空王海濤作咒聲琅琅老僧羯磨誦未  
了櫻榦桐帽遊何方升階惟見彌勒坐一星佛炬寒  
無芒昔年花事盛秋菊初地七寶黃金裝釀錢互樹  
酒徒幟十日五度攜壺觴席天模地卜以夜衣袂不  
覺沾微霜邇來白龍少檀越僧籬菜色櫻廚荒精藍

功德欠圓滿丹霞樓閣空中望盛衰世事疾轉轂  
淨土亦與相低昂煙畦一棱種菘韭鄰家縛稻來登場  
劉郎勸我勿嘆息且呷一斗葡萄漿未來過去與現在  
剎那石火無留光試請參寥轉一語窗外木樨香  
未香

同印杏山留宿子廉花光雲影館

燕南趙北縱橫路驢背船唇黯淡情輸與花光雲影  
館七年黃葉聽秋聲

梅花村追懷浦流槎先生

零落耆英會吾猶見老成梅花留手澤詩律鬪心兵

式穀門基荷升堂卯角情年年籬竊下香雪護佳城

過檀林追懷許三亭嚴魚山兩先生

末座當年呼小友陽源今日鬢星星蕭疎檀葉陰如

舊縹渺鸞乩地益靈已少印人摹籀繆

魚山善印章

細尋

蘚壁認丹青

三亭善山水

此閒俯仰經三世女蝶西邊種

德亭

先大父約亭公  
檇林與諸老結詩社

同徐兼山過張三洲話雨齋

相逢各訝鬢微霜我更征塵駢驥負郭無田思捧

檄故人經歲未聯牀詞壇徵逐風憐自世事參差角  
與張孝穆新詩平子賦郵筒那不寄琳瑯瑤

崑山舟次憶昔年金氏寓樓裙屐之盛儻已十  
年矣因簡王瘦山笏山吳克生三君

一角眉峰入壞牆隔樓佛日寺門黃東風舊夢尋花  
埠細雨春愁壓艣牀樂府金衣丁十索清談玉麈謝  
諸郎鹿城銷盡鴻泥跡添得懷人字半囊

吳門口號

東來飽喫黃鸝笛西去安乘赤馬船今夜蓮花兜裏

宿半湖粉氣半湖煙

屋角葱男初入饌湖趺蜆妹尙含沙珠蘭香上烏絲  
髻嬌女隔簾喚買花

陳問渠見過信宿話舊得詩四十韻

覺師昔東來畫竹頗楚楚

雪舫法名覺堂

驚師住北庵天龍

演八部而我愛逃禪心燈印初祖日日謁祇園有如

赴粥鼓入門兩少年璧彩照梵宇錢生濯春柳

綠蘋陳

子柄玉塵豪氣炙駿牛險韻鬥詩虎桑下已三宿蘭  
言契千古乃悟緣與因妙義楞伽補踰年訪君家凍

潮縮申浦開甃坼泥封膾鯉析冰縷暫羈千里駕深  
罄十日語朋儔况麌至捉醉不能拒蘅叟量蕉葉

蘅峰

丈小阮實大戶

緣薌座中施吳興丈

尚虞

牋蘇指畫肚拍

浮如強秦視我國邾鄖道子擅六法

擔霞丈

傳神在阿

堵圓光滅度佛開元寺廊廡贈我鶩溪絹牡丹日亭

午

曾寫牡丹橫幅見貽

緬懷扶風老荆關紹墨矩

迂齋老人

披幘畫

禪室一十七寒暑令子守遺縑點綴及蟲羽不圖贊

公房相逢皆舊雨言歸歲亦暮驪歌亂愁緒待詔愧

嚴徐驅車厯齊魯落日黃金臺駿骨在何許願爲負

霓鵬勿作飲河鼠詎知抱燕石幾遭按劍怒縕塵送  
南轍阜帽臥東嶼平生講經濟慷慨徒自苦科第何  
足榮所爭在出處聞者啞然笑叱爲腐儒腐大烹蘆  
菔羹那識麒麟脯足音賚空谷三益喜重覩菹甕出  
瓜壺筆厨具雞黍縱橫上下談忘形到爾汝觸屏仆  
僮僕傾罌竭村酤挹君湖海氣潤我俗肝腑讀我窮  
愁詩令君頭風愈夜深忽掀簾漫天雪花舞明當和  
尖又再寄錢穆父錄

寄懷施小園龐阿寶

詩酒分千古星河共一天桐君草木狀應補外臺牋  
不見龐生久張星在絳河酒徒秋蝶散詩債亂山多  
浪跡依蘭若窮愁伴藥窩屯田詞一卷付與雪兒歌  
偶檢敝簏有無題四律殘缺不全撫今追昔補

湊成之

垂垂簾押湜湘紋邂逅衛城簇蝶裙繡被香圍雙舄  
麝鏡臺春懶一梳雲筩詞生蠶腔新度酒量推排態  
薄醺蘇小鄉親紅綫傳掃眉隊裏本超羣

柔荑捍撥滾琵琶喉底珍珠舌底花浪子悲秋猶有  
我美人多病況無家綠熊香餅含風裏白蛤牕櫺掩  
日斜六尺牀茵荀席軟笙囊雙倚品團茶

瓊樽酌勸玉浮梁何處瀛臺傍墻鄉稽首妙蓮離火  
宅抽心弱草感春陽藥銚身世風前影粉撲年華畫  
裏粧惆悵青驄容易別玉釵恩重奈疎狂

鐸風檣雨感難禁離珠虹橋直到今三五月圓青海  
闊一雙玉睡碧烟深庭栽槐子同心樹籠蓄迦陵共  
命禽他日相逢重問姓鬢絲如雪兩沈吟

章西巖表弟過遠懷堂小飲醉書

春星光閃草堂低  
痛飲真拚醉似泥  
豪俠少年嘲畫虎  
鮮新文字爽哀梨  
護禪未了當胸箭  
涉世誰邀刮目鏡  
海國糟邱容我築  
爲君高唱白銅鞮

少眉兄確齋前紫牡丹盛開夜雨偶集賦呈一律

鼠姑根渴索郎澆  
花事東皇厭白描  
看到子孫已三世  
漫愁風雨妬今宵  
酥融香玉生紅纈  
酒暈檀肌綴紫綃  
老屋百年棟桷蠹  
春來富貴十分饒

少侯姪秋闈報罷詩以慰之兼示諸弟

三代選舉風漢京沿未替光祿薦茂才公府辟掾吏  
平津與江都對策擢高第東海兩章生蒲轂進朝次  
開寶重甲科猶以經史試賢良政治才歲一網沉滯  
紹定分經房鉤元濫觴始糊名而易書帖括憑取棄  
英雄旣入彀造物困神智士也薄雕蟲青雲未能致  
當承疴僂蜩勿晒婆猴戲官板抱麻沙勁裝雜姿媚  
秋賦混魚目春關委蟬蛻固哉劉方輩徒灑孤寒涕  
吾姪冀心士卓識擣臼製一出別汝足再接鍛汝翅

傾城嫁廝養良田逢惡歲習醫已折肱斲聖乃傷鼻  
著書反離騷呵壁作唐字蹭蹬二十載霜華鬢邊翳  
久嗟握隨珠終期拔趙幘末俗況衰隤舌耕拙生計  
道南大小阮努力擷經藝勞薪灰復然鎮鄒淬仍厲  
妙語冰雪文昌言河嶽氣楩楠不自媒大匠千里至  
虛聲借巖阿實學裨時世萬一蚍蜉功於物消埃濟  
子占十年字我定三舍避臣叔本不癡次公毋乃醉  
呻吟飢寒聲浩蕩滄溟勢伫聞日邊雲太史奏祥瑞

題崔青蚓杜鵑花鳥手卷

太學生員魯男子國亡走入破窯死千年望帝魂不  
歸謝豹花開血痕紫鳴呼青蝴蝶作畫如青藤墨骨飲  
絹綢有棲意匠經營腕屈鐵薜荔山鬼來窺燈卷中  
活色雙翎小帝女前身精衛鳥擲筆時聞歌哭聲故  
鄉烽火東牟島君不見石城重建小南朝燕子呢喃  
幕上巢一時粉本輕鴻毛龍友梅花蝶叟桃

自寥城歸淞口過孫紱薌寓齋徐小槎張竹堂

二君適至

入座團圞不速賓未邀明月已三人地當大海風濤

急交締髻年笑語眞白蜜筒醪沽近市紅袖旣飯出  
比鄰分璋花事多銷鑠屋角酴醿獨殿春

宣德御用銅香爐歌

鳳凰山麓成化窯  
鱗爪魚子束細腰  
宣廟銅彝四乳足  
花邊岫耳名爭標  
當年內苑寶藏火  
金身丈六迦藍燒  
珊瑚珠貝雜三品  
大爐流汞鷓鴣膏  
丁妃出出歐冶笑  
至尊手諭徵鳬桃  
黃白青白氣俱竭  
膽水灑鑾生砂苗  
胚胎百種奪天巧  
陰陽牝牡分凸凹  
紐趺悉倣宋瓷式  
戲金紋細摹唐朝  
編爛乙齒復庚申  
鏤

銕異爻還離爻虎騰精氣斗間躍鳴噴香篆空中飄  
椒親供奉礮龍腦貴人揩拭持鮫綃是時玉几正清  
晏三楊白髮鹽梅調官家遞嬗十一帝赤眉賊火揚  
炎颶蟋蟀御盆嘆瓦裂剔紅廠盒同鎛拋金銅仙人  
泣鉛淚辛銳居士疑山魈布棚攤子百錢購鵝鴨血  
點胭脂嬌官哥粉地本鬆脆錫女姥液原堅牢我思  
清馥建大醮此爐檀炷通絳霄故爾天公令鬼守輪  
刦不逐紅羊消貧兒未見三代物五都聰目空相嘲  
且補弇州不觚錄宣和圖譜重傳鈔

十二月臘日大雪學博章犀臺夫子招同孫丈

雪村喻丈佛香江鞠如章侃亭諸子會飲強  
恕齋用聚星堂韻作詩先成卽席奉和

天憐老樹瘦無葉裝點千枝萬枝雪天憐頭腦大冬  
烘攝入冰壺氣清絕開罿香透臘糟熟掃徑甕鬆屐  
齒折烟沈社鼓粥初送風颭簾鉤燭欲滅酥梅坼胎  
猶青凍玉龍掉尾不可掣酒腸芒角肩起粟心地光  
明眼消纈齋寢十笏布淨城咳唾九天助談屑偉哉  
造物恣游戲倏爾搏空已飄瞥今宵旗壘壓古人明

日江湖定傳說醉翁詩律銳莫當袖底老僧一寸鐵

原作

銅陵章謙存

天公作花不作葉萬古稱名惟有雪故知詩人嚴  
禁體一切贗語所必絕前有歐蘇後諸子強爲效  
顰心早折鬢如微霰受陽光遠水遙岑半明滅無  
奈好景逼人來不待開門眼先掣蒼松翠竹影交  
橫梢梢盡作花紋纈欲出一語寫性靈謝家兒女  
詞豈屑放下兵仗麈自戰掃盡蟲沙豁雙臂冰鴻  
雪爪今日事青紺白襍他年說騷壇賈勇鑄心兵

慎勿錯鑄六州鐵

子夜續歌

莫化山頭石化石不同穴金鍼刺妾心飲妾心窟血

企喻歌

殘日下虎落前山十箭屯馬上黃鬚兒疑是賀六渾  
輪刀度慈嶺纖手礮殺羊爲歡夥彩面莫近小女王  
阿夷與阿段生小不相猜如何涅中吏攜上望鄉臺

柳絮詞

一路風絮中送郎從此去郎作他鄉人絮作他鄉樹

絮花飛回復何時夢內時聞郎馬嘶

感事

入海渾河故道迷年年沙鹵接雲梯船高雉堞踰三  
丈人與鼈宮爭一隄使者倉皇沉白璧老兵醺醕唱  
黃雞淮南十萬人家夢風鶴驚魂似鼓鼙

山塘寓樓題壁

瓜皮艇子泊湖脣瑟瑟松風颺角巾小衍矮於臨水  
閣遠山瘦過倚樓人花藏北里誰尋夢雨濕西潭記  
餞春脫粉敗墻題字在使君十載隔音塵

壁閒有陳雲伯大令

虎邱新齋由短簿祠至白公祠小憩用壁上州  
字韻

真娘墓上春風老短簿祠前宿雨收廿里雲光開竺  
塢一湖花氣溼山樓青琴撫笛芙蓉檝紅袖捎簾翡翠  
鉤如此憇鄉拋撇去黃沙匹馬向幽州

爪步相逢行贈別張問秋

鈴語顛風揚子渡斗大孤城君肯住兩三星火是爪  
州好認前生錦囊句清河樂府擅才名絮影梨魂夢

不成留得朝雲依紫鳳鈎來晴雪伴紅鸚塗松路近  
西田屋卯角觴辰照如玉虎阜春風載酒行鶴江夜  
雨擣舟宿別離雁柱數華年遠寄菖蒲十樣牋吳市  
簫聲燕市筑三千里外月同圓鳶肩火色終騰上讀  
律讀書意跳盪幾度慈恩寺畔遊姓名不入孩兒榜  
東里中年術業無飢鷹側翅避鷁鷗閒情更著郊居  
賦繪事能添秋興圖皂帽黃塵衣短後我又北行瞻  
馬首牢之坐嘯鎮南徐甲帳論文歲在酉聞道璇闔  
尺素遙客牕情味轉無憊落花啼鳥過三月流水青

山弔六朝藕腸牽緒銜難吐鐵甕城頭咽鼉鼓湧洞  
波濤爲我愁一軍銀鎧魚龍舞江聲直送到雷塘  
樹回看京口檣何日清談逢郭象前途狂態笑袁羊

團扇和錢伯瑜編修韻

繡得湘紋一尺紈迴文錦字寫團團懷中明月留圓  
影夢裏秋風憶舊歡撲碎蕉茵驚睡蝶攜歸蓮帳欲  
栖鸞越羅粉本琅玕柄畫箇詩翁宛轉看

燈檠和伯瑜韻

銷磨心事可憐生青史堆中一短檠爲惜秋蛾垂繡

箔誤驚飢鼠觸棋枰半牀夢醒懷人夜四壁風寒落葉聲愁殺家貧江上女替誰掃室借餘明

僧鞞  
伯瑜韻

消息東籬訪未曾半生行腳一枝藤拈花笑後成香國踏月歸來有醉僧白露滿園微濺鞞黃金布地欲傳燈柴桑擬結頭陀會脫屣紅塵悟大乘

櫻桃斜街卽事戲集溫飛卿句示瞿麗生

且共劉郎一笑同尺書都在錦鱗中金風入樹千門夜病眼逢春四壁空不見水雲應有夢自憐羈客尙

飄蓬勸君莫惜金樽酒蠟燭猶殘一寸紅

聾樹先春雪滿枝樹名從此號相思象牀寶帳無言  
語月榭風亭繞曲池詞客有靈應識我謝郎諸弟得  
新知與君便是鴛鴦侶影畔常教舞袖垂

掌中無力舞衣輕冰簾銀牀夢不成回日樓臺非甲  
帳往年江海別元卿莫言自古皆如此知道無郎却  
有情獨有袁宏正顚頽水流花落嘆浮生

昔年曾伴玉真遊青瑣西南月似鉤隔竹見籠疑有  
鵠遙屏無睡待牽牛若教猶作當時意還恐添爲異

日愁寂寞遊人寒食後一枝梅謝楚江頭

寓粉坊琉璃街與高閨岑員外夜話

街柝聲中歲欲除先生猶讀兩京書摩空筆健留鸞  
掖偕計人多比鯽魚獄戒張湯辭鋟鍊詩宜李廣氣  
麤疎公餘看奉慈帷饌我有衰親獨倚闌

丁慶堂同年自官菜園移居觀音寺街同人置

酒餽之卽席一首

一車家具半瓶罍移近哀絲艷竹堆玉筍葭枝驚我  
醜燈燃柑節索詩來花階鸞帶誰仙骨酒國牛壇有

霸才局設消寒須放達接離倒載跨驥回

次陸銘軒九日黑窯廠登高韻

相逢誰是五陵豪燕市屠沽屬我曹座有紅兒花尙俗歌翻白紗曲嫌高生成風味同梅酢驕盡英雄此棗餚差喜陸郎詩可讀鏡中忘卻鑷霜毛

何年陽羨買新塢蠶卜三眠穀再登蛇足丹青人盡笑蘿竿伎倆我偏憎悔拈棋局輸時子浪費蘭膏曜後燈此地金源多逸事潞談絮絮亦無憑

詩腸酒膽兩龜豪依舊平原碌碌曹漂水誰將桃梗

惜得風羣羨紙鳶高嘗來世味攢眉芥未了童心  
手饑纔到深秋天欲雪竹箱脫盡驃驃毛

郭外蒹葭滿水塍陶然亭上幾回登眉圖樣好無深  
淺骨董攤多任愛憎才辨未堪騰舌劍菩提還許乞  
心燈空中蜃氣皆樓閣恐是危欄不可憑

同人集汪竺君舍人寓齋小飲次鐵生韻

剪燭春明話舊遊少年才氣壓吾儕離家客作依人  
鳥和韻詩如集腋裘青史留名嫌寂寞黃金入手便  
風流鹽車棧豆尋常事天馬縱橫未可囚

落落乾坤兩少遊論交千載渺難傳不平意氣摩旌  
壘無限年華付箋裘鐵笛吹來燈影閃銀河吸入酒  
杯流將軍聞道追回鶻雪滿天山夜縛囚

李瀛門比部移居舊簾子衡衡以詩餌之并示

令弟子喬國博

轆轤汲井便郇厨漸覺蕭閒遠市衢東眷舊鄰楊子  
宅西山喜見米顛圖草堂夜雨吟花萼桐樹朝陽集  
鳳雛貨屋長安如驛舍主人姓氏記來無

都一酒歌

前門外酒肆曰都一處者言仙人在其家釀  
酒已五世矣屋中有沙龍當門高一尺剗平  
則酒壞

中山仙人謫燕市釀酒能令萬人喜紛紛踏破鐵門  
限祇覺沙龍脊高起長安城頭烏咿啞北風如刀割  
雙耳氈帘掀入新筠香張吻饑涎不可止酒名廿四  
標松牌苓白橙黃玫瑰紫酒傭熟識高陽徒羅列甕  
鍾滿添几是時肝胆森芒角渴飲鵝兒唼噠觜一拳  
椎碎黃鶴樓一口吸盡西江水酒星亂落襟袖前糟

氣如雲湧十指醉中忽聞仙人語仙言我醉亦無此  
仰天大笑出門去白眼看他擊筑士

送鐵生南歸用前韻

黃梁未熟邯鄲市四十閒曹得亦喜看君童僕整行  
裝方寸鄉愁五嶽起君身仙骨是葛洪我輩交遊薄  
張耳豈無待詔金馬客花樣揣摩不能止十年讀書  
了窮達萊衣色勝宮衣紫別意難傳綠綺琴贈牋狂  
擘烏皮几桑乾河畔望江南二月香泥啄燕觜好攜  
兩袖春風歸吹綺吳淞一幅水男兒作健怕驪歌頓

使銅腸柔繞指百年三萬六千場安得歡筵盡如此  
憑君歸語諸故人慷慨我真燕趙士

獨坐藤笑書屋寄懷銘軒兼呈竺君先生

聚如燕雀賀大厦散如狐兔竄荒野電光石火剎那  
間長安半是餓驅者蛛絲無意懸網羅柳絮紛紛自  
縈惹歛手猶裁辣後畫到頭欲噉甜時蔗世間不遇  
灌仲孺熱血一腔何處漏落落意氣雪松折爍爍鏡  
銅霜鬢怡京雒繙塵涴素衣食無魚兮出無馬婁東  
諸子皆軼羣嶄然犀角是陸賈千言已夢腹吞篆八

韻俄成燭刻樺偏師直搗袁崧軍令我鞬鞬拜塵下  
春寒孤館足音少坐看鴉離啄檐瓦忽憶鳴珂夜直  
人鄭重邊機橐親寫擊檄誰推祖逖流請纓我詎終  
軍亞昨夜盤雲黑如墨遙想天山雪未化安得棄此  
三寸椎躞身萬里征鞍跨

夜雨同握黼齋侍御及哲嗣琴泉印川範園三  
君宿三山菴

一夜山中雨杪櫂萬葉聲泉從龍口瀉雲傍虎頭生  
客路棉衣薄僧廚筭饌精跏趺禪榻上相對欲忘情

龍王堂

憑欄人笑語驚破白雲封試踏三生石來窺萬壑松  
墮鈴疑放鵠經呪欲降龍啜茗徘徊處鄉心繞惠峰

香界寺興宗上人年八十有七與黼齋話舊余

作詩贈之并示三山庵真修上人

松風吹冷法玉筵來證清公杜撰禪頭白老僧話前  
事三朝臨幸太平年

軟紅塵海久蹉跎莫怪豐干饒舌多八十七年禪指  
過空山留得病維摩

寶珠洞絕頂望昆明湖

霞梯百級磴盤旋鸞鶴聲聞上界天雙闕  
帝城雲外樹一湖秋色雨中煙僧因蛻骨團尸在洞有珠光  
舍利圓欲讀飛仙題壁句綠蘿深鎖翠微巔

祕魔崖題壁

盧師說法懸崖下龍解聽經石點頭柏子已隨飛錫  
化桑乾無復夾山流四禪人結阿羅會三伏天藏太  
古秋坐看蕭蕭楓葉雨一僧扶傘過前邱

憩慈壽寺

舍衛臺前墮三千九子鈴宮闈形管史菩薩妙蓮經  
洗舜娛慈壽臨輶哭悼靈香雲吹不滅閣外數峰青

宮人斜雜感

承乾宮接翊坤宮滴碎愁魂是漏銅一代容華銷歇  
後秋花猶作臂紗紅

掖庭傳詔選良家十隊牙牌列鬢鴉更向玉芝門外  
跪九蓮菩薩上袈裟

冰嬉看罷飼狸貓仙醞雞缸九九宵底事提鈴羅襪  
濕太平聲裏隔牆簫

熏籠斜倚內家粧夜半親添一餅香睡缺玉壺紅淚盡六宮猶話葬同昌

玉魚銜冷受恩身青冢紅心草不春寒食高梁橋畔路中官爵酒更無人

玉瘞花埋三百年犀釘爛斷出珠鈿鴉鉏不管胭脂塚栽徧山薦一枝煙

官家宵旰罷承恩夢斷昭陽夜閉門一炬黃巾焚白骨青霞女子更招魂

陰颶吹燼漆城燈石馬無聲立野牕環珮不歸山月

黑凍螢飛過十三陵

長平墓上草如茵  
帝子殘碑訪未真  
臘有梨園天寶曲  
當場猶演費宮人

二分明月照繁華  
當日蕪城是帝家  
墳盡人間金粉窟  
宮人斜與玉鉤斜

再過慈慧寺

白石橋東慈慧寺  
杏花時節記曾來  
西山一夕送涼雨  
剔盡蜘蛛碣上苔

九日逸園賞菊用坡翁九日黃樓韻示黼齋

異鄉佳節客無說鄉愁欲共花爭發小牕紙薄冷布  
疎落葉聲乾蠅履滑東籬秋色正嫵媚時有幽香染  
羅韞黃酥對擘臍雙圓紅玉勤斟酒百呷婆娑我輩  
十日筵辛苦園丁一年鋤此花傲骨本天授特與金  
風戰肅殺忽憶西山半月前夜雨聯牀卧僧刹雪泥  
鴻爪不可尋利鎖名韁太相軋世態猶將白眼看禪  
心未被縊塵歷製成金韃膝可償咬斷菜根齒先齶  
不知許事食蛤蜊莫管比鄰鬧鷺鴨折花起舞插滿  
頭銀燭搖光電雪雲

趙君復大令以家藏倦圃老人手錄絳雲樓書

目一冊見示爲題三絕於後

大典修成永樂年琅環再闢絳雲邊澄心一炬灰如  
雪尙在恒河浩劫前

文正文清兩相國丹函綠帙重璠璵湘東三萬縹籤

外猶有人間未見書

君復云劉文清公家藏天一閣書目與絳雲互有異同而絳雲

雜集尤多

書局裙簪集洞庭藜光夜照杖頭青一櫛化比通神

畫留得空山蕙草馨

余家有傳是樓書目一冊

大雪復用坡翁九日黃樓韻示王蘭圃先生葉

端齋同年李楣生王鷺客陸銘軒毅庵諸君

團雪散雪不可說連日白戰令遲發豈知昨夜灑瓊

霽鶴踏松梢足嫌滑捲簾捉絮黏裘衿掃徑尋梅濕

氈鞍八叉冰柱猶未吟一斗柔芻急須呷山尖微微露

見馬耳菜甲添肥勦鴉鉏啄簷飢雀空啁啾入地遺

蝗盡誅殺洪鑪百萬煮鹽海梵界三千構銀刹玉樓

人倚耽縞素繡轂泥翻響呻輒天公搓綿太游戲如

掌如拳勢將壓呼奴活火煎銅鑑欲漱仙漿齒防蘿

相如酒肆擁驥驥李憲軍聲亂鶯鶯我夢扁舟鼓櫂  
歸遊徧西湖復苕霅

題畢雪蓉同年種蓿圖兼以寄懷

旅食京華說餅工征衫未浣軟塵紅布帆飛鵠三篙  
水蓆帽騎牛一笛風舊夢心情都覆鹿新圖爪跡認  
飛鴻一年小別秋聲館蝦菜光陰瑣屑中

勲業尙書第一流烏衣子弟佩吳鈎蟲魚不入英雄  
記翰墨須登海嶽樓煮筍清貧餓太守種瓜感慨故  
諸侯東臯預闢花農墅霜後新蔬短鋤收

料得澆書夜猶觴庾園春韭剪新黃禪心定後荷絲  
斷世味諳時菜甲香牋到冰壺高士傳叅來玉版贊  
公房腹中空洞原無物猶恐他年踏萬羊

空賦黃花似散金蹉跎霜鬢壓犀簪濟時才大官嫌  
冷作客愁多酒怕深三泖家園連滬壘中州樂府帶  
秦音食單檢點無餘物孤負生平畫粥心

邃懷堂詩集前編卷四

寶山 袁翼 穀廉

端歲謠

梁稽縱橫地衣貼鞚聲蹀蹀鞶聲蹄東西南北出門時盡似今朝元日吉豐跌珠纓不動塵酩酥融入椒花春下階端歲醉無力珊瑚鬢鬚蹊鴛茵趙李家金張第紅絲牽繫踏歌臂砍然走裂冰莎砌君不見太行蜀道非艱難人心平地生高山

候潮隄上散步

高春日影出扶桑一尺潮痕界石梁蟻陣團兵俘小  
豕蠭衙移蜜餉新王野航窗小人登簪破寺門開佛  
負牆極目鄉關搖落意歸來遊子九迴腸

到家

江南黑霜隕燕南芳草摧開箱檢寒衣慈母綫已灰  
見星秣我馬雙輪如奔雷行行望桑梓惻惻腸掀懸  
長跪靈床前告兒今歸來兒言母不聞母聞心轉哀  
上堂拜阿耶耶淚落纏繩風塵憫兒瘦僵僂親扶兒  
問兒歸途況述母沈疴時每飯不忘汝每寢夢汝歸

孤燈照寒禱一息聞喘絲汝婦擁姑背汝子搘盥匜  
舉目忽微輒撒手矇雲螭含淚聽耶語聖室生悲颶  
小人已無母天涯猶未知長安盛裙屐拉飲方淋漓  
堂堂逝愛日駒隙難重追哀毀吾何敢椿樹繁喬枝  
吾父漢經師授徒客異邑艱辛十餘口家計徒壁立  
吾母髻隤然宵春與晨汲九媯或告貸釵釧罄奩篋  
糠燈閃寒燄龜手縫袴褶軋軋機杼聲漏盡未停織  
三弟督夜課咿唔坐其側積勞致百病胃脘氣常塞  
中饋四十年鬱鬱少愉色春暉一朝冷養志嗟何及

愧此反哺烏樹杪繞三匝

王母八十六事佛體康健口誦金剛經奚止三萬遍  
旃檀鍛化人繡幢障吳絹吾母受姑教布施報夙願  
焚香侍姑坐貝葉互披卷溢焉早西逝老淚挾如霰  
扶杖視斂含數句減餐飯稽首懺空王冀將冥福薦  
聞孫自遠歸欲語氣先嚙長跪問起居荷荷捧孫面  
謂孫勿遠遊鄉曲可耕硯汝父已白頭虛名復何戀  
東坡贈潁濱兄弟結世世流離坎坷中夢寐常相繫  
文章與氣節植自倫常地每一展卷吟潛焉欲出涕

吾家世簪纓遷婁忽陵替兩葉況單傳及我多同氣  
富貴本天定書香在人繼勿因鉛刀鈍因之廢磨礪  
鉛刀能一割千鎰共爭利阿兄漸衰老努力望羣季  
歸囊無別贈此卽千金意

結髮二十載貧賤百事難予職婦能代雖愧心暫安  
左家有嬌女聰慧誇若蘭壺史已成誦更讀三百篇  
珍擎掌上珠共命還同肝紀歲在甲申我自京邸還  
阿瑛年十三短折傷啼鵑吾婦撫靈櫬百沸腸熬煎  
涔涔患頭眩瘦骨支巒屹今年孰姑喪摒擣心力殫

入幃慘縞素未語先含酸語亦不能盡仰屋惟長歎

烏鎮

菱蕩牽纜槳擊閼叢杉葉落見樓臺勞人恐被青山笑一月之中四度來

杭城寓樓望湖上諸山

檣船武林驛驟雨若噴瀑呼童負囊橐亟僦三間屋簷溜碎芭蕉燈影掠蝙蝠支牀倒頭睡夢落孤山麓有人揮手招疑是林君復曉窺破簾縫隔岸嶺重複豁然拓窗櫺衆山都在目翻喜昨宵雨玉女新膏沐

偶於無人處含睇送眉綠雲光雜嵐氣攬之欲盈掬  
西子湖蒙蒙黃妃塔蠹蠹微聞鐘磬聲隨風出天竺  
鬪駢鬪壓肆輿販厭吁觸豈知樓上人坐享清淨福  
吟成五字詩先付山靈讀來朝蠟雙屐湖上擬信宿

湖上雜興

喚得茅家埠口船傾城士女進香天一峰靈鷲飛來  
後又管人間未了緣

夜闌竹斷與絲零四角羊燈照翠屏應是當年蘇小小  
再生仍愛住西泠

湖心隔斷孤山孤郎住外湖妾裏湖三月清明岳墳上相逢同買上河圖

水斷連橋路又通數株楊柳竹扉東渡江越酒今年賤醉倒六橋煙雨中

題醒瓢錄師夢鶴圖

道人放鶴三千年夢騎鶴背遊赤天夢中鶴卽畫中鶴精氣雖失神獨全譬諸元珠在方寸嬰兒姹女非真鉛東湖月上潮未落子晉吹笙枕流閣錄師臨湖築室額曰枕流虎書鳳璽秘不傳爐火青回大還藥前生想是

丁令威懶作頑仙願作鶴三彭斬後無白鬚胎仙爲  
君銜紫芝紙驢竹龍本遊戲是鶴非鶴辯者癡豈惟  
鶴不辯眞僞我且忘我君爲誰雛童夜詠霓裳曲劉  
徹可憐骨猶俗不如日日醉中山笑指麻姑鬢絲禿  
吾言未已蓬島聞窗外飛來兩黃鵠

壁

冰花灑徧玉牕櫺風力尖寒酒力醒坐伴東華佳弟  
子一燈紅焰讀黃庭

金鎖玲瓏禹步殊紫清壇上掃花奴綠筋手篆肌如  
雪記得前生甲子無

欲持阿母四鍾酒去換瀛洲九斛塵絳帕蒙頭真可  
笑旁門亦有種芝人

導引何妨骨似綿天風鈴韻夜鏘然羽君出世心猶  
苦曾喫黃連五十年

絳雪元霜欲贈誰丹經書破石櫺皮曹唐自分無仙  
骨祇替仙家作艷詩

元旦同姚石農虎臣章寶笙陸一帆徐菊齋渡

錢塘江

鳳山門外木蘭橈吳越江分帶一條夢裏忽驚增馬齒醉中狂欲射鯨潮攜鑪炙硯書春帖打鼓開船度歲朝卻憶當年老通守錢塘萬炬可憐宵

泊七里瀘

我愛無風七十里紆迴常傍釣臺前

七里瀘諺云有風七里無風七

里江山此地真千古姊妹同年聚一船樵路入雲巖腹暝灘聲奔瀑石鱗圓天寒欲雪羊裘敝起酌蒲萄獨扣舷

龍遊縣

彈丸姑蔑國形勢扼三衢虎渡水清淺龍遊人有無  
西山仙棗熟東武女樓孤惆悵深源宅千秋蔓草蕪

大雪玉山道中

老樹欲枯猶未枯醜石僵立相撐扶天公玉戲張綃  
轔隙六軌轡爲前驅籃輿輒輒昇而趨前軒後輕虎  
負嵎過嶺肩輿俗名爬山虎羊腸一徑堆瓊酥目眩不辨路有  
無松梢墨點三兩烏遠寺但見雙浮圖玉樓起粟冰  
在鬚風翦剝我重裘膚道旁越女猶當爐殷勤一斗

手自斟瓦瓶殘瀝酌役夫投醪私意良區區坡陀高  
低互相踰大千世界藏玉壺仰餐沆瀣如醍醐俯蹴  
萬斛驪龍珠此情此景難描摹不留佳句嘲詩逋微  
茫鬱影時已哺鈎輶格碟啼鷗鵠玉山堠吏來招呼  
悄然回首瞻長途鴻泥爪跡多模糊

稼軒遺跡

可惜朝廷小還思用趙人中原成絕域江右託羈身  
經畧追韓岳歌詞壓柳秦西湖花月夜東望一沾巾

象山

低首鶯湖者朱門亦有人如何道學傳偏著異同論  
橫浦初分派姚江後積薪松花落如雨石室繙音塵

朝發射洪

灘外與灘前人家櫛齒連箭車澆夜月茶市聚春煙  
古社番君像新腔弋女絃湖頭船名朱漆檻應是豫章

船

登滕王閣

峭帆風送到江干帝子雲山閣上看八斗才多重作

賦指陳廻陵千秋我尙一憑闌落霞孤鶩精靈語畫棟珠

簾刮火寒酒榼莫嘲傾倒盡澆胸真有渴龍蟠

張家渡有文信國公故居

虞淵日挽魯戈時獮婦猶酋起義師半壁殘山無塊  
土一軍航海有孤兒灘聲嗚咽聞歌妓鳥影倉皇避  
將旗獨立西風人喚渡廬陵何處大忠祠

過十八灘

離灘尙十里先聲懾人魄衆客有戒心其氣已辟易  
一灘石盡伏波底矗如戟一灘石盡昂波面插如笏  
一灘水更惡下有鮫鱸窟噴珠碎玉中水石互相齧

雷霆走昏曉魑魅嘯沙磧遲速偶失勢人舟一齊礮  
天公設此險毋乃阻行客兀然大王公笑謂客無嚇  
十八灘篙師稱爲大王公  
必僱以持舵乃敢前進

忽聞聲砰訇惶恐灘已至盤渦百尺深活水鼎中沸  
篙影亂曲直人語帶驚悸硌硌山蛻骨濛濛霧蒸氣  
大石蹲老熊攫擎欲伸臂行舟如用兵佯迎實隱避  
入險復出險性命一絲寄今宵宿萬安滅燭枕篷睡

抵贛城

掎角衝牙地金墉百雉堅七閩通市舶五嶺界巒天

章貢渾流合崆峒落日圓虔州題八景憔悴說南遷  
長汀蒼漭水千里下東關架石人栖穴梯雲郭抱山  
猿公探牒去木客挈壺還二月如初夏羣花滿樹聞

### 度大庾嶺

臺關萬仞插雲根直上天闊手可捫黃屋百齡開七  
郡青山一髮眺中原梅花應識降王挺榕樹仍圍佛  
祖門附葛攀蘿凌絕頂南來身似作獮狼

### 湧陽峽

湧江迅如箭兩崖忽排拶牯牛踞中流力以萬鈞過

因之水激磯蛟蜃助潰沫陰雷洞中吼白日石上割  
仰睇絕壁巔萬古綠油澣造物忌平庸意在東空闊  
盤渦折圓螺其下磴麟麟須臾月東升微光逗松栝  
飛仙迹難留風飄一聲咄

月夜自三水回廣州口占

利鎖名羈客南來北去舟可憐花月夜三十六江樓  
同周花農金來自章寶笙高敏庵姚虎臣周荔  
亭徐菊齋遊七星巖

袖中我本有東海方寸須彌屹然在平生山水中癪

痼急欲往遊不能待嶺南梅開十月前東皇隔歲來  
招延遠山窈窕掃眉嫵船脣窺客姿爭妍桃榔陰滿  
瀝湖涘北斗森森七星峙公餘賓從鼓遊輿前者喟  
于後者伫蒼然怪石生甲鱗洞口桃花猶笑秦白雲  
出入亂招手但見笠影欹紛紛當年太白竊星去真  
宰窮搜不知處天雞驚墮聲如雷星閃光芒石不語  
我疑身挾罡風來凌虛直上嵩高臺琉璃宮闕隔塵  
界當頭一罇神斤開百靈上壽捧瑤草天帝微醉揮  
玉杯乳竇幻作百千相混沌未鑿先胚胎忽聞鈞天

奏鐘鼓絕壑萬派波繁迴龕燈佛火變黝黑洞內冥  
冥吹刦灰巖凹路轉腳無力安得腰間便生翼玲瓏  
已換鎖子骨足趾外垂二分立一峯回首狻猊蹲一  
峯俯伏同兒孫一峰中斷貫鐵索水簾細密珠花噴  
神州洞天三十六此巖地肺穿雲根白榆倒種手可  
捫袁石欲把瑤光吞須臾聯袂下平麓黏壁蝸行往  
而復寺僧珍重餉客茶櫟炭新煎雨前綠韓蘇文字  
照海內碑蝕莓苔口難讀何須更上朝漢臺至此已  
窮千里目歸來一笑翠滿襟山靈償我看山福

羊城試院中登魁星閣

負海包山萬雉墉雕甍繡闈隱重重白雲親舍羽曾  
遠北望天南第一峰

西齋偶成

校書如掃葉紛斜眼刮金鏡敢自誇三日瘴風簾不  
捲牆頭落盡刺桐花

題金來白海上抱琴圖

鄺生年少抱琴去猶女今無雲卿嬾昨夜老榕根下  
臥夢中一曲舞山香

藥洲夜坐

小雨收殘暑仙湖水尙溫藥傳方士秘石號丈人尊  
已卻招風扇還移就月樽泛舟多少客空有姓名存  
思食荔支用坡公四月十一日初食荔支韻

聞人說荔先胡盧十年夢想饑喉枯我身尙未度嶺  
嶠崿輪意馬如前驅輕黃二月綴微雪東風悄悄吹  
蘿襦荔娘十八正嬌小茜紗肯露冰肌膚若將羣果  
比優劣譬如村嫗隨閨姝天公遲遲弄狡猾市頭擔  
買今猶無空山尤物不輕出珊瑚安得逢城隅望梅

止渴意太急得梨蒸食心防籠藍田萬杵搗瓊液紅  
雲十里懸頰珠海山仙人倘攜賜他時換骨癯能腴  
新州異品甲全粵對客莫更誇蒼鱸相思一笑頌口  
腹君謨之譜香山圖

舟中遣興同花農次坡公韻

一葉虛舟小洞房行廚艇子送肴忙蠻雲披徧山頭  
絮蠻女歌殘陌上桑靜聽灘聲如急雨偶聞瘴氣有  
奇香羨君詩格瀏灘甚絕勝公孫舞劍娘

自羅定將抵連州和花農韻

輕橈發灔水微雨濕征裳日抱峯腰赤沙鑊岸腳黃  
蘭因詩裏契花事客中忘四月深山夜先啼絡緯娘  
舟中立夏日示章寶笙同年

吹到炎風十里潭嵐光潑墨水拖藍鄉音有客同吳  
下春夢無聲別嶺南茉莉香薰新芷拾櫻桃紅入小筠籃  
木魚歌裏漁郎飯祭竈今朝餉麥蠶

雨中過峽山飛來寺

昨登飛來峰今過飛來寺東西六千里足迹半年至  
壁開中宿峽二禹大神智風雨移琳宮道場建初地

何不復飛回老僧空說偈迴轡東江湍江湍怒愈恣  
舳艤盡簸軒林麓轉蒙翳微聞讚唄聲杳杳出雲際  
雨師洗行塵五月未開霽寂寥遠公房禪榻不暇憩  
羨彼猿女慧彈指悟三世玉環獻高座松門已長閉  
坡翁南遷時來此振法嗣忠心動蠻徼詩思割蒼翠  
嗟余鈍根深清景失交臂安得西湖中復移此寺去  
靜極理當動了彼真實義

清遠舟中談惠州風物之美卽用文忠公韻同  
花農寶笙

一  
生管領西湖水故老猶談玉局仙海外雲歸孤鶴  
老峰頭日暖百花然晶魚入網纔三寸藤菜調羹抵  
萬錢記取重陽春色醜六篷艇子過龍川

春色惠  
州酒名

黃子未以二圖索題次韻

一腔塊壘未消融欲乞青囊藥石攻春草池塘吟伯  
仲離騷爾雅註魚蟲令兄靄青先  
生時守潮州漁歌新譜鴛鴦櫂  
小艇斜飛蝴蝶篷卻笑稽含空博物金丹未識在壺

中  
百藥山  
房圖

綠蓑影裏一溪煙紫鱣黃柑八月天莫把香鉤觸珊瑚

網盡搜蠻語入吟箋笞箇笠澤叢殘譜金粉湘橋汙  
漫緣滄海北迴七千里我家門有捕魚筌

湘橋釣師圖

南越武王墓

朔風倒捲天井岡金鑑玉鳧騰寶光窮碑踣地字磨  
漶牧豎猶知南越王沙邱當日祖龍死縣令詐言盜  
兵起桂林象郡盡擊并閩長駱侯相角掎一朝漢室  
封眞王萬里羈縻受符璽欲將文教化椎紩牛女衣  
冠氣先紫長沙流言邊鬱開調兵羽檄三關催夜郎  
自大竊帝號不須朝漢登巍臺詔求使者諭荒服兩

度星輶大夫陸昧死謹上皇帝書世守藩臣奉正朔  
餅金糝糝壓歸裝銅鼓淵淵奏蠻樂西京重見貢明  
犀南海依然擁黃屋版圖百粵齡期頤風雲變化真  
男兒金甌四世忽破碎邯鄲妖后爲龍漦甘泉已發  
校尉卒下灝飛渡樓船師湏陽城圯長荆棘越華館  
廢啼狐狸我來彳亍斜陽暮紅雨飄殘木棉樹艷說  
花田葬素馨無人酌酒龍天墓君不見牧羊遺火燒  
魚燈赤眉夜扣隆準陵蠻夷大長一坯土猶有靈風  
來式憑

合竹灘

灘頭夜夜風和雨石作冰人石能語剖竹真如破鏡  
完鴛鴦牒上樵兒女癡情訴天天亦驚日月爲誓雷  
爲盟手攜犀塵跨龍背踏波起向空中行老嫗無言  
翁錯愕雙星笑指銀河鵠揚盡人間東海塵郎水嬾  
湖終不涸

泛舟西湖

東江北注玉灘前恰傍江樓放畫船雙塔雲歸橋外  
洞一亭人坐鏡中天蓴羹久已輸藤菜柳色依然鎖

葑田莫怪先生春睡美暫畱片刻亦前緣

朝雲墓

墓前舊碣爲文忠手書日久倒裂嘉慶六年  
郡守汀州伊秉綏重爲立石并於墓旁築室  
三楹置田數畝度僧一人居之  
以奉香火今牆壁又半圯矣

玉骨伶俜掩綠苔六如亭傍梵王臺湖隄三月踏青  
女多向朝雲墓上來

夢繞錢塘東復東慧心皈佛萬緣空藥爐經卷同時  
殉紹聖三年七月中

白鶴峰敬懷蘇文忠公三十二韻

莫問熙豐事當年事可悲循州安置日紹聖改元時  
黨錮中朝急聲名五管知遺民相慰勞幼子獨追隨  
巾漉浮春釀囊傾買地貲百夫勤畚鍤廿架覆茅茨  
鶴觀開新址龍巖枕遠睥叩門啄木鳥隔屋讀書兒  
柳外林婆宅松間道士慕心花潑茶瓊體疥浴湯池  
簾展西齋月襟延北戶颺三生談老夢先生謫居南  
山道士張簡易處談老子九日和陶詩乍得遷居樂方深卒歲思  
天貽埋玉恨人起弄珠疑瘴海催飛鵠黎峩遺禦魑  
不容官舍住那有俸錢支種菜斜阡編藤短短籬

時裁同叔簡對酌老荷卮  
撥苗初識桄榔杖屢持  
虞翻蠅欲弔賈誼鵬來窺玉局重提舉釣天不愁遺  
麟經同絕筆蝎命返騎箕

先生行至常州夢中作詩  
寄朱行中蓋南遷絕筆

昔倚蘭陵棹曾題蘚壁詞蘇園祝生日惠郡拜遺祠  
禮教漸蠻獠馨香奉昌夷前身六祖佛此地五經師  
手版原疎嬾腰金悉布施新橋殘漲急聖塔夕陽遲  
羞豆烹櫻筍加籩薦荔枝紫伽雕笠屐

南海人以伽  
南香雕東坡

笠絳節駐峨嵋閬寂栖禪寺荒涼幼婦碑千秋憑

弔客搔首鬢如絲

嘉祐寺

山僧不識章丞相寺內畱公住半年夜市逍遙頭似  
雪春婆富貴夢如煙芋魁菜甲齋廚饌流水行雲翰  
墨禪曾照玉堂香案吏松風亭上月嬪娟

藍關

瘴江東去亂山橫一綫天梯百里程父老爭來迎刺  
史神仙不敢度先生回頭鳥道攀雲近撲面茶花落  
雪輕下馬祠前人再拜夕陽催起梵鐘聲藍關在陝西藍田縣卽古之嶢關後人因韓湘詩云云遂以此當之按公文集公兩謫南方皆由藍關又皆遇雪其謫陽山以

十二月有雪中寄三學士詩其  
鷗潮陽雖以正月亦遇雪也

遊韓巖洞呈辛莽學使師

舊聞韓巖洞不知始何名昌黎曾來此嗟未攜圖經  
況我空腹子而欲窮真形是時日亭午黝谷猶暝暝  
長刀絕竹纜百人持炬行齊聲一呼喝衆竅奔雷霆  
謂有巨蟒伏使之走且碗謂有積尸氣以火先熏蒸  
前者鉤以足後者援其肱蝸牛貼苔磴負殼盤旋升  
懸龕廣五畝覆金第三層驢車化蠅粟攝入徑寸瓶  
石蘿逗微晷漆室生光明碧痕鑒毫髮惶惑萬怪呈

渾沌未開闢造化遺六丁神斤與鬼削億刦始斲成  
或如密須鼓或如女媧笙或如文命鼎或如伊耆鉶  
或如丈夫立首垂曼胡纓或如美人笑背倚琉璃屏  
或如白石郎對弈文犀枰或如釋迦佛蓮座雙趺橫  
或如仙官吏劍佩朝太清金牀列銀甕玉几羅瑤器  
丹竈有餘砂箭鏃光瑩晶瓊漿滴乳竇肉芝蟠紺莖  
熊虎攫銛爪鸞凰騫修韌上有朽株挂其木爲冥靈  
眞人駕風馭天瓢取空青彷彿見雲篆當年誰所銘  
乃知搏土時萬象畱模型後來一一合譬諸影隨燈

忽聞九地底鐘鼓奏鏗鎗疑藏八陣圖神呪驅陰兵  
葉榆水迸出疾瀉高屋瓴回瞻來時路羊腸盈窪坑  
膽寒膚起粟便欲相扶撐眾客亂招手挽篙若緣縏  
舟子百餘人持篙挽行內有石鐘石鼓懸於空際以篙擊之聲聞數里我獨一躍過自

誇腰腳輕老卒謂莫誇惜君駐半程其下有洞府煙  
霞鎖松局蛇行六七里漸聞雞犬聲桑臞隴頭熟桃  
李牆根榮村落千餘家耆壽皆聃彭元末嶺南亂絕  
壑來逃生旣與塵世隔不知何王正子孫世婚嫁無  
異姜與嬴昔有牧羊兒失足顛枯藤數人掖之起飲

以美酒醒醒時間何地云是梧州城此言良非妄吾  
意殊怦怦仙源失咫尺安得尋雲英此詩泐巖壁留  
待洪厓賡勿爲韓公見下士寒蟲鳴

陽春船

綠水邨猶繞青山畫不如獠娘收藥草鬼妾飼花豬  
兩姓聯婚牒千金蓄蠱書嚼殘縮砂蜜香氣吐徐徐  
鱗介原同窟團團鬪寄一舟見人形瑟縮問姓語鉤輶  
深目瞳凝漆披鬚髮渲油廊生今不見赤雅試披搜

宿化州署中追輓黃西園刺史

蘇澤堂前橘春風綴雪珠殘詩黏白壁舊雨悵黃壚  
宦久書盈橐官清玉在壺石龍岡百尺墮淚有碑無

電白道中

黃風赤日走牛羊莽莽平原古戰場雙足銀鏹泥沒  
骭女兒猶作洗家粧

臘脂狼籍逐輿夫火繖撐空灼玉膚十里紅樓珠海  
上有人春醉侍兒扶

溫泉寺浴湯池

山頭萬古草木童白氣出金蒸燼燼陰陽爲炭乾坤

橐燭龍掉尾騎祝融炎陬湯池七十二石硫黃髓洪  
鑪烘高涼第一世無比巖罅因有冰泉通南行六月  
未徂暑汗漿揮雨泥黏躬山僧邀我憩精舍滿階杉  
檜生微風爲言亭下有渴室一道沸液噴泉囁左涼  
右熱自調劑開竇閉竇雙石谼我如轍鮒久思水解  
衣高挂孫枝桐瑤盆躍入弄拍拍閃爍驚見遊魚紅  
充饑定燉雞子熟蠲疥更療木瓜癰祖龍急湔神女  
唾妃子初試華清宮浴罷招涼坐松閣對面懸瀑珍  
珠櫳垢流屈曲瀉牆外匯成巨窟深徑籠輿夫馬卒

裸相戲法筵無礙空王空出山頓喜腰腳健肌體護  
喝單紗幙此泉普救衆生苦數里分渴千筠箇貴人  
一笑安用此香湯待浴蘭房中

合浦

青山巒巒水鱗鱗漣出江南一段春聞道珍珠今又  
徙沙邊猶有采珠人

旌忠廟祀寇萊公

獨有乖崖老能知天下才六軍孤注險萬里逐臣來  
池上星猶隕牆陰竹遍栽廟中今報賽蠟淚又成堆

徐聞海口辛葢師禱風伏波將軍祠敬紀一律

功德畱南徼千秋兩伏波潮聲奔霹靂雲氣擁鋌戈  
雞卜神光照牲祈血食多相風烏尾轉纜已解牂牁  
牂牁繫船杙也

粵人因以名江

渡海

真疑此外無天地瘴海南流不復東一綫鍼通千里

路海中不辨南北舵師惟視鍼盤晝夜目不他瞬半帆壓萬鈞風是日風挂半帆馬入市隱腥煙黑鼉背山開石壁紅童女童男

今立國思量徐福是英雄

自海口鎮至瓊州城肩輿中偶成

瓊管魚龍窟南來正仲春黃風吹颶母黑雨立楓人  
藤檻檳榔貯金籠翡翠珍衣裳今綺縠何處見文身  
審酒開簷早紛攜椰子壺欖神當大道香市對西湖  
占籍龍編戶撈池蚌孕珠青裾腳不韁花面小梨姑

珠崖試院示寶笙

二千餘里路漫漫太尉亭荒夕照殘荔浦珠江在何  
處羊城今作故鄉看

雌雄蛤蚧上牆隈雨後都梁細蘂開我已觀心空五

瘴捲簾不礙妙香來

瘴氣極香一月之間曾聞二三次不爲害也

楞伽峽水簾

巒山麓廣天亦嫌八萬月斧來雕鑄玲瓏搏埴石鍾  
乳佛臂無數兜羅絲斷成靈窟鬼夜哭天帝駐蹕朝  
羣仙洞中螺女守丹竈障以一桁珍珠簾象牀寶帳  
悄無語月爲鉤兮雲爲奩玉塵細碾自滑滑雨花密  
繆長纖纖天孫銀漢浣白錦失手拋落茲山巔寒光  
逼人肩起粟潭洞羊角風迴旋當年劉郎老刺史過  
峽未敢畱詩篇我心已墮恐怖境挂帆急去休遲延

龍湫

劉累醢雖龍一雄走南甸蜿蜒山谷中日與雷霆戰  
祝融用火攻化作懸崖練銀河九天落坤軸四維轉  
有如白馬軍組甲光照炫深山不記候但見雪花灑  
灌輸潤叢莽屈注滿阘塹東雲爪已藏西雲尾忽現  
眞宰旣難收佛祖云何遣是龍卽是水造化理萬變  
離湫將十里吼聲耳猶貫遙望翠微巔天神挂一綫  
次同冠峽用韓文公韻

江山待題詠詩人來惜少退之兩經過長鳴如鳳鳥

雲濤擺雷碩仙境出霜曉連峽天下奇奇中復矯矯  
畱我一瞬觀卅年夢應繞及我無身時此案乃可了  
山洞水吞吐汨汨無昏朝白日不敢過因之寒氣饒  
上有無名樹細蘂香雪飄下有鋸齒磯春撞舟爲標  
往來我如織秋色徒相撩

四過博羅不得遊羅浮詩以自嘲

丹臺玉室未有名安得蝴蝶先來迎神山咫尺不可  
到耳根隱隱聞吹笙蓬萊夜半失左股忽與羅阜相  
兼并一峰崛起六百丈洞底星斗排珠衡南樓坐待

天雞叫羲和挂出扶桑鉦病龍瘡虎各無恙稚川老  
隸猶酣醒艤舟四次泊頭鎮

泊頭鎮見東坡文集

塵事牽挽勿

匆程腸肥腦滿仙所棄劉安況更狂而偷麻姑急敕

布風雨松檜翻作波濤聲我今衰髮半垂白好遊尙

欲歌南行作詩懺悔寄青鳥絕人太甚非僂情不然

竊食無核棗鐵橋飛度窺朱明四山啁啾翠羽鳴縞

衣月下來傾城子元陶入倘哀憫便與摩頂偕長生

萬梅花下睡一覺消我塊磊胸中平

九曜石歌

石在羊城試院二堂之東偏僊湖中南漢劉  
龔購自太湖巒壁浮海而至今湖據其八一  
石遺畱藩署中前學使翁覃溪先生索之不  
已方伯某謂索石雅事但何以處贈石者翁  
無以應石遂不獲全石上欵識題刻自宋迄  
明共二十九種具詳蘇齋老人九曜石考

五丁夜鑿仇池脊玉筍生雲乳花滴淘波瀲浪竅  
衙中有劉家刲灰黑玩石吾如玩美人未賓虞舜欵  
韶石因之日坐蓮湖傍嘯傲鶯晨興葢夕石兄環列

狀各殊牛李癡人舊相識老翁駘背禿螺髻力士鳶  
肩岸烏幘一石自頂空至踵裂盡苔膚龜甲坼一石  
坦腹臥松根龍伯猶畱手捫迹三石化爲醉道士爾  
我相扶軟無骨頸叔摩挲海岳拜佳句親鑄妙波礀  
不知何年遺一老疑是五丁暗中猝至今風雨聞石  
言似訴良朋久遼隔蘇齋老人蘭生氣力索彊秦歸  
趙璧索石贈石皆雅事索者猶爲其理直碧玉強畱  
武承嗣荊州竟據劉元德一拳聚散關氣數瓔珞芙蓉  
等殘甓當年奇峰航海來舉國咨嗟竭民力昌華

妃子侍龍舸夜泛蘿洲弄瑤笛醉倚嶽峯石丈人綠苔點破弓鞶窄君王常宴荔雲紅士女爭誇天水碧一朝繫組五仙門石上三生有魂魄覆轍可憐花石綱艮嶽林泉共嗚咽南交自古多流寓天遣九僊伴羈客會當重返曜真天太乙微垣閃赤

題翁邃庵學使僊掌石新得米元章詩刻紀後三絕南宮比鄭虔琳鄉顯晦亦前緣人間至寶天公惜鬼守神呵八百年

研山流落在江淮此刻摩抄字字佳搨出玉蠶新蘭

紙焚香手捧告蘇齋

熙甯遺老客羊城拜石題詩一段情鐵案紀年山骨  
上要將年譜訂分明

憩風旛堂

一百七十年肉身菩薩至果然盧行者開演毗曇義  
無鏡安有塵無障安有礙數珠不須轉白骨本相戲  
一髮丈六身神光出舍利照此菩提壇葉葉皆法嗣  
心動旛乃動非是風所致何況汝無心那得安心偶  
石牀一宿覺還汝大智慧君親兩無著兒女恩愛繫

嗟哉鐵塔上猶鑄鄧娘字何如虞仲翔放逐居此寺  
青蠅爲弔客生死針尖寄何如米南宮佛名書三世  
至今洗硯池天龍尙護衛文人與佛祖氣孔出一鼻  
儒門厭淡薄遂無立足地我來謁東山詞林逢密諦  
於無立足處看我且伸臂

珠江

一失胡兒寶千年不可求人歸明月夜珠冷大江秋  
派溯牂牁遠潮連渤海浮崇墉環穗石孤島屹花洲  
霸氣銷任趙星躔爛女牛荔園紅翦錦蒲潤綠成油

鏡憶當鑪對釵看擊鼓抽青鸞馳道改黃木釣磯留  
廬肆喧魚藻艤舡集虎頭萬家鱗瓦密重譯鳥言稠  
墅接濠梁近幃闌佛火幽璇臺鬼子館木筏蟹壤樓  
菱簾珊瑚枕晶簾翡翠鉤舫篷編繡組絲菜薦銀甌  
響屢雙環扣明璫一串投衣香濃霧結燈影衆星流  
么鳳靈狸窟九姑三妹謳金多虛牝擲藝巧化工愁  
人物僊壇選湖山畫稿收寥寥鴻爪迹兩載落蠻陬

遊海幢寺登藏經閣

北望白雲山西望石門巔東望波羅道南望素馨田

英雄盡老死金粉成灰煙乘風欲歸去浩浩江連天  
樓閣赤城裏火雲燒木棉兩圍鷹爪蘭香烈如熬煎  
云是郭園物根深不記年山僧畱我飲夕陽催渡船  
憑欄一長嘯驚醒驪龍眠

花田

昌華舊事忍重論耕出鸞釵半股存明月自涼孤客  
影香風不散美人魂綠窗畫舫傳簫管白髮花奴長  
子孫沿湖花肆多係一姓贏得人間別離淚南來北去濺金樽

陳厚甫先生招飲粵秀書院奉陪辛庵學使師

賦呈

宦海抽身賦遂初寓公五載穗城居甕頭萬戶春常  
買閣外千峰畫不如曲奏南飛招白鶴生日有白鶴降書院中

夢隨北去話金魚楊枝桃葉垂垂老紅袖挑燈伴著  
書

少小微星引使星光豪濶今宵磬百觴鏡水已聞歸賀  
監銅符重見屬王郎令嗣處州太守江山絕妙招公隱詩卷  
分編恕我狂以詩稿屬爲編次度出金元新院本玉簫檀板

唱珠娘

鐵網駢羅七尺珊瑚天荒真欲破烏蠻

海南土子來白書院肄業

沙講席參朱陸紅豆經師仰斗山

惠仲孺先生視學士後阮芸臺制軍及今粵東始以經學教

學使師與先生復振之

詞館廿年前後輩文章一脈

盛衰閒安昌倘許彭宣侍卉服荷巾往往還

一樓眷屬住神仙供養還資問字錢人識放翁紈扇  
上我逢杜老飯山前午橋洛社休官日乞烏蠻花橐  
筆年樽酒叨陪談笑未與公杳火有因緣

詠物

韓木

孔楷周模雨露深金城橡木亦成林而今盡向占科  
第齒冷昌黎笑不禁

龍鬚草

簾紋如玉貼冰膚夢拔瑤簪謁紫都丹鼎已傾湖水  
涸空山春雨長龍鬚

貝多紗

白馬駛經萬里沙琵琶葉葉障蟬紗倩誰美女簪花  
手細字蠶眠寫法華

畢鉢羅

數遍牟尼一串圓轉輪輪轉慧珠禪如何十八阿羅漢多結人閒繫臂緣

南華茹

當年風味佐齋蔬一夜南茹產玉除今日請師收法力山僧祇要食花豬

韶石

白石嵯峨駐蹕臺翠華南幸幾時回箭韶樂器知多少豈是牛駛馬載來

女兒葛

幾許工夫織苦辛自憐不稱此腰身掌中一握如煙  
霧賣與薰香閒坐人

斷腸草 見人枝葉搖動若相招之狀

劍葉棱棱戾氣侵無風搖曳若難禁蠻方報復尋常  
事小草逢人起殺心

脈圭 但聞西洋有是器未之見也

寸闢尺脈現浮遲扁鵲倉公術未奇安得黃金買千  
萬世閒到處贈庸醫

翠雀

憐渠饑骨本珊珊一入樊籠未放還金母阿環都老  
死青衣流落在人間

素馨花

水色山光滿畫船花田日日鬪嬌嬌劉郎作事都顛  
倒未必當年愛素馨

羅浮萬壽藤

風雨中含太古秋山僧持贈九花蚪憐予未老先思  
杖五嶽他年待此遊

龍川舟中四十生朝自述

不向安期覓棗瓜  
難從勾漏訪丹砂  
家貧常作離鄉草  
病久真如沒骨花  
學海眼迷三里霧  
恆河身寄一毫沙  
巾中白髮添多少  
四十年來事事差

南食詩

蜜漬荔枝

蜜奴顆顆色香兼  
嘗罷還將橄欖拈  
始識人生禮盞福  
不須享到十分甜

鷓鴣羹

錦翼斑胸向日飛  
黏竿一霎入危機  
悽然不覺停雙

箸昨夜花前勸客歸

桄榔麵

綠花紫穗萬絲柔一斛珠塵勝雪  
麌我已盡消豪士氣不勞纖手製人頭

椰子酒

纍纍瓢懸碧玉柯銀刀剖出酒盈螺  
天公原要人常醉心太分明事漸多

花農贈余蝴蝶蘭一枚攜至瀧江試院中一夕  
裂蘭而生大逾七寸五色璀璨不可名狀偶

出卽還還輒抱其舊蛻三日後不復至相傳  
以爲歸羅浮云

一點靈機羽化僊乘風歸去鐵橋邊暗香疎影梅花  
院今夜三更抱月眠

珠江樂府

風俗屢變勝蹟時涇日見耳聞觸事成詠可  
補志乘之闕可消逆旅之愁體雖異於竹枝  
義不離乎諷諴槩名之曰珠江樂府云

銅像淚

銅像不成匠人死銅像成時淚如水願王壽考如銅  
嬖媚豬不老偕千年稻田浮來潘美至銅人有淚王  
無淚吁嗟生劉鋹不及死銅像銅像巍然坐夕陽劉  
郎去作降王長

十姊妹

不願同日同時生祇願同日同時嫁繚盟鈿誓星辰  
前竝枕咽喟語深夜黃姑七夕催渡橋守宮點臂猩  
痕嬌姊妹恩深壻恩淺窮袴不解芙蓉條檀郎巧合  
氤氳玉媚蝶神迷夢雙宿姊妹恩淺壻恩深雷電繞

身月入腹春光洩漏姊妹嗔申來詈寒盟人犀漿  
一勺不蠲忿荳蔻胎裂珠成塵吁嗟乎地老天荒萬  
年久此事人閒真罕有

木魚歌

木魚歌裏木棉紅木棉絮打蝴蝶篷柔絲宛轉繫瑕  
寄蟹郎莫放金樽空兒家門對程鄉郭日日兒舟阻  
灘腳窗後有蒲萄窗中有絃索山重水複莫思家故  
鄉不及異鄉樂鷁魚風捲一丈潮送郎直到湘子橋

賽金花

茉莉穿絲架樓閣萬斛龍涎霧噴薄珠袍玉帶堆如  
山夫人縹渺來雲閒倚天照海皆紅袖粉面於菟眉  
彩秀抱上蓮花七寶臺一一夫人賜福壽別有嬌娥  
暗祈禱羅襦親把泥孩抱歸來含笑背銀燈今夜星  
精降瑤島

秀才田

舉秀才不知書秀才無田食有餘夫作秀才婦作僕  
百里擔簦繭雙足秀才今年舉孝廉秀才無田今有  
田宗祠合食踞上座妯娌避面慚無顏嗟哉巾櫛重

卷之二

科第羅隱方干盡流涕

灼雞骨

篇管哀吟動魄魄繡幢不捲鑪煙直章丹陳珠竝傾  
國綵袂迴風鏠子骨綠章夜奏青霞宅犧牲雞卜酌  
瓊液神來神去在俄刻銅鼓聲停釵腳折小巫改粧  
嬾微赤月地雲階悄無迹碧城十二洞房深青鳥傳  
書有雙翼

搜山吏

官吏搜山不搜虎盡把山中麋鹿捕麋鹿走向山神

訴山神閻者醉而怒確田年年種薯蕷私債官租兩  
難顧不如結筏撈魚鰕饑來且逐水仙去山無麋鹿  
可奈何吏報使君虎渡河

梳頭婆

十二教崑腔十三教吳語十四教琵琶十五作老舉  
明眸皓齒喚阿婆管領霓裳羽衣部星娥暫向紅塵  
謫暮雨朝雲姓名易迷離花影不分明郎有黃金妾  
有色吁嗟乎孤老莫采沙面珠饑女莫拜管大夫

三生面

媒妁通詞致繾綣珠女珠郎先識面踏歌跳月獐獑  
風此意餰羊延一綫穿廊越榭揚眸看郎認羅裙妾  
認冠目成心許翁嫗喜百年天合雙鴛鴦香煙燭燄  
薰神座道士錢多獻官府

采茶歌

珠兒傅粉顏如花雙趺束作春筍芽翠翹金雀盤宮  
鴉手攜筠籃歌采茶十步一臺五步閣金錢擲滿潘  
郎車茶花開遍西樵麓雨後雨前不盈掬大姊采多  
妹采少采得茶歸蠶上簇官茶未了茶葉纏官吏打

門催茶租葛巾繡出采茶女城中去換青銅蚨窄襟  
小袖調鸚鵡綺席誰家召歌舞纏頭價勝十擔茶茅  
屋茶娘淚如雨

鬼子街

檀輿竹扇鬼侍郎碧琉璃眼蹉鬚黃黑者爲奴白者  
主十三海國皆通商鬼婆握算工書記鬼兒盡解漢  
文字奇技異物安足珍坐令中域銀山棄剔骨剔髓  
不用刀請君夜吸相思膏

開香門

郵祠鑿鼓迎香神女兒鹽手開香門香農衣食託香  
國但祈香樹多生根年年買香充香貢可憐香樹無  
人種官不愛香愛香錢錢多別購驪龍涎打鼓退衙  
品香譜那識山中香戶苦

歸自海南坐西齋中

兩月纔將粉簪捐桃花又放數枝妍夢回燕子襟前  
雨身帶鯨魚背上煙心迹漸成枯樹賦詩情恐墮美  
人禪故鄉無此湖山好怎奈思歸便惘然

辛庵學使師按試瓊州聞海忠介公後人充總

戎標下騶卒乃諭使應試置諸武庠忠介以  
猶子爲嗣此其後也先是新會陳生者白沙  
先生之後增城湛生者甘泉先生之後皆拔  
置優等俾食廩餼多士獻詩頌德予乃續呈  
此篇竝補前事

文成才氣橫太空瓣香低首白沙翁甘泉繼起稱入  
室一掃門戶南禪宗二公緒言墮煙莽誰爲嶺徼開  
愚蒙堯齋夜受長生籙主事神羊觸以角朱雲欲請  
上方劍孟博竟拜皋陶獄如此孤峯峭壁人奏章贈

與椒山讀理學卽在忠孝中何必紛紛辯朱陸文衡  
使者敦風節姓氏南邦徵舊德董相墳前下馬行鄭  
公閣畔驅車式當年直聲動丹除祔孫窮餓爲騶呼  
兩生伏處巖屋下鑿楹猶讀先人書回枯噓槁亦易  
事激揚士氣非區區公心化雨春風裏公德渺漫香  
浦水孤寒八百望崖州始識人心常不死

再過貞女峽次韓文公韻

亂山崛強相爭豪峽風驅浪如奔逃梯空擘窠勢千  
尺石青字赤鐫雲濤魚環鶴馭在何處時見松花飛

乳毛

將去南雄州明日度嶺

嶺外三年飽荔支計程明日是歸期家書珍重鴻先  
寄旅橐輕微馬亦知蘇壁搨殘昭諫字松蹊斜繞曲  
江祠前塵了了猶能記十八灘頭夜雨時

獨宿繩牀酒易醒一燈低照夢痕青春隨客子歸鄉  
國詩嚼煙霞出性靈壯歲功名成拾瀋長途蹤迹歎  
浮萍扶桑花底珠娘曲未識何年得再聽